



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-614-5/22**
Datum: **19.05.2023. godine**

«Agencija za vodno područje rijeke Save» Sarajevo rješavajući po zahtjevu Službe za razvoj, komunalne poslove i puteve Općine Ilidža za izmjenu rješenja o vodnoj saglasnosti broj UP-1/21-3-40-614-3/22 od 19.11.2022. godine za regulaciju korita i izgradnju objekata za zaštitu od poplava prouzrokovanih velikim vodama rijeke Željeznice na području MZ Otes i MZ Osijek, općina Ilidža, na osnovu člana 109. stav (1) tačka 8. i 14. u vezi sa članom 130. Zakona o vodama («Službene novine Federacije BiH», broj 70/06) i člana 262. Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE **o izmjeni i dopuni rješenja o vodnoj saglasnosti**

1. Pravomoćno rješenje o vodnoj saglasnosti broj: UP-1/21-3-40-614-3/22 za regulaciju korita i izgradnju objekata za zaštitu od poplava prouzrokovanih velikim vodama rijeke Željeznice na području MZ Otes i MZ Osijek doneseno od strane Agencije dana od 19.11.2022. godine mijenja se u dijelu koji se odnosi na projektnu dokumentaciju na koju je data vodna saglasnost tako da umjesto naziva projekta na svim mjestima na kojima se u Rješenju navodi:

„NOVELACIJA GLAVNOG PROJEKTA „Regulacija rijeke Željeznice nizvodno od mosta u Otesu do ušća u rijeku Bosnu, općina Ilidža“, urađen od strane Higrakon d.o.o. Sarajevo, april 2022. godine“

Treba da stoji

„Izmjena projektnog rješenja Regulacija rijeke Željeznice nizvodno od mosta u Otesu do ušća u rijeku Bosnu, općina Ilidža“, urađen od strane Higrakon d.o.o. Sarajevo, mart 2023. godine“

2. Vodna saglasnost se daje na osnovu utvrđenog činjeničnog stanja i pregleda investiciono-tehničke dokumentacije koja se odnosi na izmjenu projektnog rješenja, koja je sastavni dio izmijenjenog rješenja i ista se, ovjerena od strane ove Agencije, vraća podnosiocu zahtjeva na trajno čuvanje, a koristit će se u postupku izmjene odobrenja za građenje.
3. Ovim Rješenjem se stavlja van snage projektna dokumentacija ovjerena od strane ovog organa: „NOVELACIJA GLAVNOG PROJEKTA „Regulacija rijeke Željeznice nizvodno od mosta u Otesu do ušća u rijeku Bosnu, općina Ilidža“, urađen od strane Higrakon d.o.o. Sarajevo, april 2022. godine“.
4. Ostale tačke Rješenja o vodnoj saglasnosti ostaju nepromijenjene.

OBRAZLOŽENJE

Od strane Općine Ilidža putem Službe za prostorno uređenje i zaštitu okoliša je dana 17.05.2023. godine upućen zahtjev za izmjenu rješenja o vodnoj saglasnosti donesenog od strane ovog organa, broj: UP-1/21-3-40-614-3/22 od 19.11.2022. godine za regulaciju korita i izgradnju objekata za zaštitu od poplava prouzrokovanih velikim vodama rijeke Željeznice na području MZ Otes i MZ Osijek, općina Ilidža.

Uz akt zahtjeva dostavljeno je slijedeće:

A Opća dokumentacija

- Kopija rješenja urbanističke saglasnosti za regulaciju rijeke Željeznice broj: 03-19-4883/2-22 od 31.10.2022. godine izdata od Službe za prostorno uređenje, Općina Ilidža;

- Kopija izmjene rješenja za izgradnju – regulaciju rijeke Željeznice broj: 03-19-5755/22 od 05.01.2023. godine izdata od Službe za prostorno uređenje, Općina Ilidža;

B Tehnička dokumentacija

- Izmjena projektnog rješenja „Regulacija rijeke Željeznice nizvodno od mosta u Otesu do ušća u rijeku Bosnu, općina Ilidža“, urađen od strane Hígracon d.o.o. Sarajevo, mart 2023. godine.

U cilju usklađivanja tehničkog rješenja regulacije rijeke Željeznice na mjestu ukrštanja sa čeličnim gasovodom visokog pritiska na predmetnoj dionici sa uslovima datim od strane korisnika gasovoda, KJKP „Sarajevogas“ pristupilo izmjenama tehničkog rješenja, a u cilju zadovoljenja traženih uslova.

Potez na kojem su urađene izmjene rješenja regulacije zbog ukrštanja sa čeličnim gasovodom visokog pritiska se nalazi između profila P25 (km 1+026,77) do SP 11 (km 1 + 199,68) i izmjene su obrađene i prikazane na odgovarajućim grafičkim prilogima. Na preostalom dijelu predmetne dionice rijeke Željeznice tehničko rješenje je ostalo nepromijenjeno.

Nakon što se utvrdila činjenica da na predmetnom potezu, između profila P25 (km 1+026,77) do SP 11 (km 1 + 199,68), nalazi linijski infrastrukturni objekat, cijev čeličnog gasovoda visokog pritiska, pristupilo se izmjeni i dopuni projektne dokumentacije u cilju usklađivanja rješenja sa zahtjevom operatera gasnog sistema KJKP „Sarajevogas“.

U skladu s odredbama člana 130. Zakona o vodama i člana 262. stav 3. Zakona o upravnom postupku, ovo rješenje djeluje samo za ubuduće.

UPUTA O PRAVNOM LIJEKU:

Protiv ovog dopunskog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Haris Ališehović, dipl. inž. građ.

Po ovlaštenju
Rukovodilac sektora za izdavanje vodnih akata

Haris Ališehović
Haris Ališehović, dipl. inž. građ.

Dostaviti:

- Općina Ilidža, Butmirska cesta br. 12, 71210 Ilidža (Prilog – tehnička dokumentacija navedena pod tačkom B obrazloženja Rješenja)
- AVP Sava, ISV – Vodna knjiga
- Sektor 30
- Sektor 40, arhiva
- oglasna ploča AVP - Sava